

皇明通紀法傳全錄

皇明通紀法傳錄卷二十一

東莞 陳建 輯

聖湖 高汝斌 叅

高鳳翔 校

李文達于肅毅丘文莊皆陳車戰之利倣前代多行用車制勝者不問一衛青如黑龍平涼州未超百却魏將軍車走楊大眼唐哥舒翰馬賊宋瑤

壬申景泰三年春北虜也先遣使來通好因選我使往報居言路者以為虜懷窺伺之心宜絕之勿往報使執政柄者以為苟不往報恐開邊釁侍講劉定之言宜遣使羈縻之使我得以益修內治朝廷從言官之議詔絕之而令廷臣共議備邊良策兵部侍郎李賢上言虜所以敢輕中國者恃其弓馬之強而已臣觀今日之拒馬木止能拒馬不能避箭換牌只能避箭不能拒馬今

勝竹皆用  
之勝敵

全在用得  
其法

中國長策惟有所謂戰車若衛青之武剛車可以禦之  
而又有取勝之道則火鎗是也論中國之長技無出于  
此若用得其法虜弗能當也臣觀車制四圍箱板內藏  
可行也其人下留銃眼上開小窗長一丈五尺高六尺五寸前  
後左右橫排鎗頭每車前後占地五步若用車一千輛  
一面二百五十輛約長四里欲行則行欲止則止謂之  
有脚之城內藏軍馬糧草輜重以此禦敵使馬不得衝  
陣箭不得傷人彼若近前火炮齊發奇兵繼出彼若遠  
遁我勢益張我威益振備邊長策莫善于此○詔各處  
見任官員有才行政事優長屈在下僚及有文學才行

爲民任咎  
非實心救  
世者不能

堪授職任之士。隱于民間。及官員能職。委無贓犯重情。而才學可用者。並聽在京四品以上。在外巡撫。巡按。方面。并府州縣正官。舉薦赴京考用。所舉之人。後犯贓罪。連坐舉主。○以右僉都御史李秉。叅贊宣府軍務總督邊儲。秉抵任。請銀三萬兩。買牛給貧乏。軍民樂業。邊餉克足。時北虜以剽掠男婦。易糧米。朝議每大口米一石。小口米五斗。虜不從。秉曰。是重物而輕人也。每口與米一石。總兵官以爲礙例。秉曰。何忍使吾赤子爲夷人耶。專擅之咎。吾任之。悉如數與之。後聞帝以秉爲能。四月命都督同知孫安。鎮守御石馬營等處。以都給事

且耕且守  
古人如蘇  
趙充國諸  
葛亮晉羊  
祜皆行之  
備邊莫善

中葉盛爲山西右叅政協贊軍務先是獨石馬營等八城遇虜失守殘毀未復議者欲棄之于謙曰棄之則不但宜府懷來難守京師不免動搖乃薦安授以方畧又命盛贊其軍務盛至列其利害爲八條以進次第行之與安率兵慶龍門關且戰且守八城完復如舊盛請官銀五千兩買牛千餘頭摘戍卒不任戰者俾事耕稼歲課餘糧于官凡軍中買馬除器勞功恤貧諸費皆于是乎取給盛在獨石五年邊人賴之○學士商輅上言邊外田地極廣因在京功臣等官各處鎮守總兵叅將并諸指揮等官將附近膏腴田地占作莊田以次空閑田

于此省國  
家轉輸之  
費不知幾  
少

地占爲已業軍士無可耕之地今日守邊之要莫善與  
復屯田之制若舍屯種之外而欲邊城克實雖傾府庫  
之財竭生民之力亦難繼矣事下該司議行

易儲中  
出陳循

五月初二詔立皇子見濟爲皇太子生母杭氏爲皇后  
廢皇后汪氏居別宮改封上皇太子皇太子爲沂王  
次子見清爲樂王見淳爲許王命廷臣俱兼官僚先是  
帝欲易太子恐文武大臣不從與太監王誠舒良謀先  
啖閣下諸學士各賜金五十兩銀一百兩陳循輩惟知  
感惠遂以太子爲可易時廣西思明府知府黃瑯庶兄  
黃玟以捍禦功累官廣西都指揮使玟欲奪嫡陰謀使

下賂上上  
亦賂下有  
上下交征  
之意

南強之錫  
已昧于藏  
之節易儲  
之舉益滋  
幹替之謀

王直不知  
復死陳情

人殺瑄巡撫廣西刑部侍郎李棠總兵都督僉事武毅  
發玠情罪致獄當死玠知帝意欲易儲無人先發乃  
遣人赴京先賂用事者然後上疏請易太子上大書  
曰萬里外有此忠臣亟下禮部會多官議陳循草詔已  
與衆將覆奏署名王直于謙相顧有難色循持筆作半  
跪太監興安厲聲曰此事不可已苟直以爲不可者勿  
署名毋得首尾持兩端給事中李侃對衆灑泣都給事  
中林聰御史朱英陳不可不聽奏上憲廟出出就沂邸  
而見濟立于是陞賞太監有滿朝皆太保一部兩尚書  
之諸王直得所賜元寶扣案頓足歎曰此何等大事乃

竟自草詔  
君子不能

無議矣

名位之隆

一至于此

主直和宗  
而嘆良心  
不死

此舉魏徵  
諫之針  
相以

出一蠻夷耶吾輩愧死矣累疏求退然侃陞唐事府丞  
聰陞右春坊司直皆不辭也玆以大赦原免復職尋陞  
都督殺降黜崇致仕及上皇復位玆飲藥死斲棺鞭  
屍于政等皆伏誅。上旣冊懷愍爲太子尚書楊翥以  
潛邸舊人自吳入賀僉事陳祚一見語之曰異哉公之  
此行吾謂公當諫也奚賀爲翥無以應。初上欲易  
儲語太監金英曰七月初二東宮生日也英叩頭曰東  
宮生日是十一月初二日上爲之默然。命侍郎李  
負姚夔副都御史洪英等分詣兩直隸及十三省考察  
廉官之不職者



梁璠一作梁實

皇明治平金卷二十一

洪英儒雅君子往浙江考察爲黜者妄疏朝廷不察竟令致仕及親實行妄作者飽載而還反無是非之辨不知此又何也考察庶官在命使而所以考察命使在朝廷公道不明如此

苗寇稍寧召總兵官保定伯梁瑤提督右都御史王來回京○命左都御史王翱總督兩廣軍務事時廣東西寇賊接攘兩鎮將官互相觀望不卽討捕故命翱總督十一月己未朔日有食之命太子太保左都御史王文入內閣叅預機務尋改文吏部尚書兼翰林學士癸酉景泰四年春正月北虜也先弑其主脫脫不花併其部落遣使入貢自稱大元田盛大可汗朝廷欲答詔而疑所以稱之者命羣臣議之禮部郎中章綸言可

此先就主  
七五

何文淵守

溫康都集

飲一郡大

治今科道

交章與廉

不有初耶

從信錄示

飲人微心

後半截要

緊

銅在吏部

銓注抑奔

就杜請託

汗乃夷狄極尊之號。今以稱則非儀。或止稱太師。又恐  
虜酋慚忿。犯我邊陲。宜因其部落舊號。稱為瓦剌王。庶  
幾得體從之。○吏部尚書何文淵罷。時科道交章劾文

淵貪縱姦邪。乞治其罪。文淵自言易儲有功。詔書所云

天佑下民。作之君。父有天下。傳之子。已所屬對也。乃令

致仕。○以王翱為吏部尚書。時尚書缺。上命舉可稱

任者。練剛率御史上言。左都御史王翱。嚴公峭直。右副

都御史年富。標履端方。大理寺卿薛瑄。持正不回。此三

人擇而用之。上命召翱為吏部尚書。○增定各鄉試

取士額。類累朝以來。漸增取士額。至正統三年。及景泰

鄭林通斬  
缺破蚩尤  
陣法

元年開科皆不拘額數至是以天下人才彌盛始加增  
定焉順天應天及各省增額有差○改各處鎮守侍郎  
爲巡撫都御史時議以鎮守侍郎爲巡按御史不相統  
屬難于行事又文移往來亦多窒礙故也○命兵科給  
事中鄭林操練團營軍士林既受命遂以軒轅破蚩尤  
之陣敘閱軍伍具疏繪圖以進曰臣通考古今陣法莫  
有過于軒轅皇帝破蚩尤之陣夫古之蚩尤卽今之胡  
虜也黃帝按井田作陣法卽所謂常山之蛇擊首則尾  
應擊尾則首應擊中則首尾俱應者也古之名將知此  
法者惟太公望孫武子韓信諸葛孔明李靖諸人而已

趙宗盛語  
內以不孫

吳起以下莫能知之其名曰天地風雲龍虎鳥蛇八陣  
者則諸葛孔明也一大陣之中固有八陣而小八陣之  
中各有八陣大陣則法伏羲八卦小陣文王六十四卦  
所謂陣間乎陣隊間乎隊者也若夫造道甲有九星開  
八門用三奇者則又黃帝命風后爲之也蓋聖人以神  
道設教以神共術使人莫知其所以然也大將居于玄  
武之位而北嶽則常山蛇也故曰常山蛇陣

林漢江常山人時居兵科見國營軍無統制每出征  
人馬多難防致死劫其操練不如法當國者遂專以  
事委之林乃用此陣教訓  
隊伍始整其法至今不廢

命太監阮安治張秋決河道卒

政正統後  
 司經監用  
 事而後野  
 否分矣若  
 院安者內  
 壁中錦華  
 者耶  
 徐有貞即  
 徐址更名  
 也有貞則  
 南遷之議  
 為太監金  
 英所郵送  
 懷恨歸國  
 以玉帶獻  
 千陳館前  
 曰汝當王  
 名無使內  
 實有知庭  
 朝廷忘前

安交阻人為  
 人清苦介潔  
 善謀畫尤長  
 于工作之事  
 其修營北京  
 城池九門兩  
 宮三殿五府  
 六部諸司公  
 宇及治塞陽  
 村驛皆大著  
 功績

十月以左諭德徐有貞為右食都御史治張秋決河  
 先是河溢榮陽縣自開封府城北經曹濮以入運河至  
 兗州府沙灣之東隄大洪口而決濟汶諸水皆從之入  
 海會通河遂淤漕運艱阻先後遣工部尚書石璞侍郎  
 王永和都御史王文相繼治之皆績弗成至是集廷臣  
 議于文淵閣舉可以治水者以有貞名上上遂擢用  
 之河以決故溜有貞至方冬月水暴漲公私之艘畢達  
 而治河卒踰數萬人悉與之期而遣之乃乘輕航究河

諸而可  
元也速更  
是名  
武功度地  
行水作九  
堤閘以制  
水勢潯漕  
渠凡四百  
餘里歷三  
載而功成  
是一作手

源遂踰濟汶至衛沁循大河道漢范還鳩工而前所遣  
卒亦依期至乃為治水開疏水渠渠起張秋金堤西南  
行九里至濮陽梁又九里至博陵陂又六里至壽張沙  
河又八里至東西影塘又十有五里至于白嶺灣又三  
里至李峯由李峯而上又二十里至蓮花池又三十里  
至大豬潭乃踰范既濮又上而西凡數百里經澶淵以  
接河沁有貞曰河沁之水過則害微則利乃節其過而  
導其微平其水勢既成渠名廣濟閘名通源渠有分合  
而閘有上下凡河流之旁出不順者則堰之堰有九長  
袤至萬丈鍵以水門繚以虹堤堰之崇三十餘尺其厚

皇明法傳卷二十一  
什之長百之門之廣三十有六丈厚倍之隄之厚如門  
崇如堰長倍之用平水性性平濬漕渠至數百里復建  
閘于東昌之龍灣魏灣凡八爲水之度其盈過丈則洩  
皆通古河以入于海上制其源下放其流既節且宜用  
平水道以底于成功功成進副都御史

初貞嘗欲築一決口下木石則若無者而怪之一僧  
居山中有道術貞往叩焉僧無所答第云聖人無欲  
貞沉思竟日而始悟曰僧蓋言龍有欲也此其下有  
龍穴吾聞之龍惜珠吾有以餌之矣錄能融珠乃歸  
鐵數萬斤沉而下之龍一夕徙而決口塞  
貞知制龍欲而不知龍之以欲見制人也

上命中允倪謙呂原教小內官黃賜等七人書于文華  
殿東廡上一日至廡中命倪講詩國風臣講書堯典

近年日食  
星變地震  
大石山崩  
小流非但  
預警恒陰  
机

上說問二人何官、謙對臣右中允兼翰林侍講、原對臣  
右中允兼侍讀、上又問中允講讀官品、二人對曰、皆  
正六品、上曰、品同安得相兼、令左右取官制、再三覽、  
顧二人曰、進汝二人講讀學士、兼中允、二人頓首謝、他  
日、上再至、二人遷坐旁壁下、上曰、何跼踖乃爾、二  
人頓首對曰、君父嘗臨坐、臣子避不敢當、上喜、二人  
敬慎、後至館、輒立語、或東西行、不復坐、

甲戌景泰五年春、積雪恒陰、詔求直言、○會試天下舉  
人以兵部左侍郎兼學士商輅、洗馬李紹為考試官、取  
彭華等三百五十人、廷試、賜孫賢、徐溥、徐輅等進士、及



第出身有差。皇太子見濟夢，證懷獻。

四月，新建隆福寺成，車駕擇日臨幸。有司已夙駕除。

道太學生濟寧楊浩上疏言：陛下卽位之初，首幸大。

學海內之士，聞風快觀。今又棄儒術而重佛教，豈有。

聖明之主事夷狄之見，而可垂範後世者耶？儀制郎中。

章綸亦疏言：佛者，夷狄之法，非聖人之道。以萬乘之尊。

臨非聖之地，史官書之，傳之萬世，實累聖德。帝覽疏。

卽日罷行。先是虜酋也先弒其主，併其衆，浩請乘虜使。

未還，出其不意，調遼東陝西諸路兵討之。二疏既上，浩。

名震京師。○南京大理寺少卿廖莊應詔陳言，大意謂。

晉張太后  
好佛嘗幸  
功德寺三  
宿乃還宮  
疑別寢昔  
具王帳以  
后妃避幸  
佛寺非盛  
其也密造  
物一堂焉

上皇迎歸伏望篤親親之恩萬幾之暇時時朝見于  
南官仍令羣臣亦得朝見以慰上皇之心又曰上  
皇諸子皇上之猶子也宜令親近儒臣誦讀經書以  
待皇嗣之生使天下臣民曉然知皇上有公天下  
之心言辭懇切人所難言疏上不報 ○太學生西安  
姚顯疏言王振竭生民膏血修大興隆寺極爲壯麗車  
駕不時臨幸夫佛本夷狄之人信佛而得夷狄之禍若  
梁武帝足鑒前車請自今凡內臣修葺寺院悉行拆毀  
用備倉廩勿復興作萬世之法也時不能行自正統至  
天順京城內外建寺二百餘區諫官不言故二生取于

金字藏經  
五藏西秀

自是太后  
不復幸宮  
時名臣尚  
多使官有  
為此可嘆

此皆家庭  
骨肉之事  
豈外庭可  
忽之乎

皇明法傳錄卷二十一 景皇帝 九

五月下禮部章綸監察御史鍾同于獄時懷獻太子薨  
人心危懼御史鍾同每獨坐深思泣數行下會積雪恒  
陰詔求直言同手疏請朝兩宮立沂王為太子疏未上  
以示都御史劉廣衡廣衡沮之不聽復諷禮部尚書胡  
濙濙縮首咋舌曰作死作死同竟上之詔朝廷集議時  
章懋為儀制司郎中發憤亦具封事陳修德弭災十四  
事其一謂太上皇帝臨天下十有四年是天下之父  
也陛下嘗受冊封是上皇之臣也伏望時節率羣  
臣朝見于南宮以敦同氣之情以隆尊崇之禮又請復

冤怒致變

汪后子中官以正天下之母儀復沂王于儲官以定天下之大本如此則災沴可消矣疏入已晡時帝讀畢大怒日已暝官門已扃乃傳旨自臬隙中出命錦衣衛卽時捕送入獄明日加訊無所得又明日大施拷掠已無完膚辭連鍾同迨至復下苛拷迫令服通南內皆不服乃用炮烙之刑又不伏更益窮治慘酷必欲致死會天大風雨黃沙四塞乃止南京大理少卿廖莊在憂中亦上疏言復儲事留中不報既而赴京領關勘合早朝上忽念莊往年有疏與鍾同章綸復儲疏相類遂縛至午門前大杖杖一百瀕死謫定羌驛驛丞因是命錦衣

宋庭骨肉  
人所難言  
也况有物  
之中乎其  
觸怒而害  
身也可惜

衛封巨挺六。擇六壯卒就獄中痛杖鍾章各一百。每五  
杖易手。鍾尤瘠。杖至二十已僵不動。杖畢久之乃甦。衆  
以手扶入獄中。又禁不與酒。既而同卒于獄。骸掩園土。  
莫敢收葬。時兵部觀政進士楊集以鍾章下獄。上書于  
忠肅曰。姦人黃玆進易儲之說以迎合。上意本爲脫  
身計耳。公等國家柱石。乃戀官僚之愛而不思所以善  
後乎。脫二公死杖下。而公坐享富貴。奈清議何。謙以書  
示王文。文曰。書生不知朝廷法度。然有膽氣當進一級  
處之。遂出爲安州知州。○時給事中徐正密請召見便  
殿。屏左右。言今日臣民有望。上皇復位者。有望廢太

不怒而反  
以野言人  
中不易得

太子沂王嗣位者。陛下不可不慮。宜出沂王于所封沂州。增高南城數尺。伐去城邊高樹。宮門之鎖亦宜灌鐵。帝怒。黜爲雲南衛經歷。謫戍鐵嶺衛。御史滑縣某亦言南城多樹。事係叵測。時盛夏。上皇嘗依樹涼息。及樹伐。得其故。懼甚。復位後。下御史詔獄杖殺之。正凌刑。召薛瑄爲大理寺卿。先是瑄爲王振所陷。落職家居。已已之變。以薦起爲大理寺丞。尋陞南京大理寺卿。太監金英奉使道南京。公卿俱餞于江上。瑄獨不往。英賢之。至京曰。南京好官惟薛卿耳。尋被召命。時菰松饑民。貸粟富家不與。遂焚其舍。蹈海以避罪。遣王文往。

得此編  
數老  
國家  
有願

鎮守兩廣  
始此  
古人  
維靡之

按其事坐以謀叛連及者五百餘家瑄抗章力辦之獲  
免者衆文謂人曰此老蚺強猶昔○勅儒臣纂修宋元  
史書倣朱文公例編纂上接資治通鑑綱目共爲一書  
○是秋復勅禮部纂修天下地志禮部奏遣文學之士  
分詣天下蒐採○詔班君鑒錄于羣臣吏部侍郎李賢  
擇其中善可爲法者二十二君每君擇取切要者三四  
事集爲鑑古錄上之上覽此不省問中官王誠等曰  
此奏欲何爲誠對曰欲陛下學此數君耳乃領之  
乙亥景泰六年正月命太監班祐鎮守兩廣  
三月迨南雄知府劉寶下獄寶以廉實著聲及知南雄

于光緒

廣東瀧水  
楊魁作亂

不肯私一錢而朝使至復無重賄遂為朝使所劾迨至  
京上疏自辨上亦不復窮治不數日竟卒獄中○總  
督兩廣都御史馬昂征廣東瀧水徑賊破之時瀧水徑  
賊趙音旺作亂合諸山叛徑大肆殺掠民罹其害昂乃  
召廣西狼兵與僮人及官軍抵入徑巢斬獲甚衆

龍水羅傍徑賊自馬恭襄征後天順初葉盛成化初  
韓雍復再征之至今八十餘年無復議征者夫此龍  
水羅一帶乃吾郡縣內地距德慶州地僅隔一江去  
梧州總府不百里為兩廣性未啗喉奈何坐視其阻  
截江面為財賄之患霍文敏公韜謂羅傍龍水之賊  
有司不肯張征非不能征不肯征也若調集兵連舍  
并官軍分為數道一自潯林入一自高州入一自新  
會入一自德慶瀧水入四面並進而梧州大兵順流  
而下且縱火盡燒其林木使之無所蔽藏羅傍瀧水  
之賊反掌可平也嗚呼馬恭襄韓襄毅諸公何人哉



丙子景泰七年春于謙以病在告。帝遣太監興安舒良視之。謙持身嚴。一毫不苟。取位至孤卿。先世室廬。盡畀其弟。惟市屋數間。以居。正室黃氏卒。謙時年未五十。不再娶。以王事之多艱。窮年不還私第。居止朝房。留二養子自侍。食無重味。非公燕不置酒。嘗以疾在告。興安舒良奉旨更番來視。見謙諸奉過于簡朴。歎息。因以聞。特爲言。所資用一切上製之。至輟尚膳醢醬蔬菜之屬爲賜。駕幸萬歲山。伐竹爲灘。以和丸藥。尤異數也。言官嘗言柄用過重。興安言只說日夜與國家分憂。不要錢。不愛官。爵不問家計。朝廷正要用人。似此才。尋一。

街來換于某衆官默然而退

高汝栻曰予覽史紀我朝土木之變社稷之功惟于忠肅爲最烈然卒以謫終其墳在西湖之麓翁仲嶢峴石馬參差徘徊覽之令人起敬嗟然欲淚及詢公後嗣云無有于故錢塘人錢塘之于姓非的夫世常言積善餘慶以驗大道如左券不爽而獨棄于公此理之不可曉者或云公名大重故造化忌之夫造化所忌忌其名浮于實者也少華之名從實而出造化豈真小見耶胡忌之爲雖然少保忠義貴于人心無論幸夷州里邑聚皆香火而崇奉焉是天下後世之人皆其子孫也又何必有子孫哉

京帝信任  
于公不足  
打負見知  
人之同焉

景泰間用人多密訪于于謙時故祭酒翰林徐有貞欲補之倩門生楊宜向于謙爲請至于再四謙從之因中使言于上一日退朝召謙至文華殿伴左右論之日徐有貞雖有才華然其心奸邪豈堪爲祭酒若用之將何後生秀木皆被他教壞了心術謙默不敢對惟叩頭謝而已退則汴出浹背左右竊聞而不悉有貞竟不知其故遂街之

順天河間二府民飢命刑部右侍郎周瑄往賑之時二府素無蓄積又連遭大雨公私皆竭瑄奏乞裁省冗官停徵糧草免追欠馬騾牛羊暫罷供應柴灰夫役聽民採取皇莊湖泊之利及乞招商中納鹽糧捐其斗數借水次官倉之粟濟民凡七事行之○調工部尚書石璞爲兵部尚書調兵部尚書兼翰林學士江淵出理工部事時于謙以病在告朝廷欲求二人協同之淵在內閣與同官不協欲求出補兵部王文與商輅密擬內批調璞于兵部而以淵代之淵不知明日首出淵大恚失望

欽賜舉人  
自此始

璞河南臨漳人由舉人爲人平反類經脫者遇  
事開明凜不可犯歷官四十餘年清介如一日

夏竑字通志成總裁纂修等官皆進秩有差○禮部尚  
書胡濙因災異乞罷不允時年八十二○秋欽賜大臣  
子陳英王倫爲舉人舊制南北京開例四方之士遊大  
學及依親仕宦者皆得應試至是順天府鄉試右春坊  
太學士王儼侍講學士黃諫爲考試官內閣陳循子瑛  
王文子倫入試俱不中選循等論奏儼諫二人閱卷不  
公如監試御史林鶚同邑林挺亦在中列且摘策題有  
無正統等語以激帝請如洪武間罪劉三吾等例重  
開科考試有旨令翰林院覆閱取中試卷高穀懼儼等

禮部朝大  
建院退各  
衙門官印  
視事輪流  
向前副使  
政務少保  
黃泉正遊  
荷制

禍不測欲為申救早朝奏事畢出班奏稱少保臣毅有

事聞上說因召至榻前具述其情且曰大臣子與寒

士並進已不可况又不安于命欲構考試官可乎由是

儼等得釋而瑛倫特旨欽賜舉人許赴會試一時異之

禮科給事中張寧劾奏循等私其子而為暴士稱屈失

大臣體難居內閣乞賜罷不報○西湖水竭

十二月巡撫江西僉都御史韓雍劾寧王不法並論府

遠上遣大臣卽訊削奪王護衛罪諸官察

丁丑天順元年正月景帝有疾羣臣武清侯石亨等

迎上皇復位時景帝不豫數日不朝儲嗣未定內

王忠肅不  
 諫乃儲一  
 節是其缺  
 而事而心  
 則苦矣當  
 景陵既決  
 所異惟忠  
 肅一人公  
 諫易得者  
 然已決之  
 意則不計  
 甲子是大  
 臣用心有  
 以不得自  
 明者往往  
 如是周公  
 之定官祭  
 雖難說此  
 深悼之詩  
 所以反覆

外憂懼在廷多擇君之志內閣王文與太監王誠謀欲  
 取襄王之子立為東宮其事漸泄既而景帝病亟太  
 監興安諷羣臣復位舊東宮僉謂上皇子固宜復之  
 惟王文之意不然陳循輩亦知之吏部侍郎李賢因會  
 議問學士蕭鎡鎡曰既退矣不可再也文辭衆曰今只  
 請立東宮安知朝廷之意在誰衆始覺其有異矣十  
 一日早文武羣臣集于左掖門僉奏乞早建元良以安  
 人心左都御史蕭維禎舉筆曰我更一字乃更建字為  
 擇字衆從之奏上有旨不允且云待十月十七日視朝  
 議者謂奏辭擇之一字非復立之意于是京師競傳王

文于謙已遣人齎金牌勅符取襄王世子去矣既而禮部復會百官議草奏候景帝十七日出視朝合辭懇請舊太子正位東宮議乃定候出朝奏之○景泰帝疾甚都督張軫武清侯石亨太監曹吉祥以南城之謀扣太常卿許彬彬曰此社稷功也雖然老矣無能爲矣蓋圖之徐有貞軫亨等說其言是月十四日夜會有貞曰太上皇帝昔者出狩非以遊畋爲赤子故耳今天下無離心謀必在此特不知南城知此意否軫等曰兩日前有陰達者有貞曰必伺獲審報乃可啓議軫等曰去兩日夜復會有貞言報得矣計將安施有貞乃升屋覽步

乾象亟下附軌等耳。時在今日不可失。遂相與密語。人不可得聞。已而軌云。今虜騎薄都城。奈何。有貞言正宜乘此以備。非常爲名。陰納兵入內。誰不可者。軌等首肯之。復密語。既會。皇以出。有貞焚香祝天。與家人訣曰。事成社稷之福。不成家族之禍。歸則人不歸。鬼也。遂往會軌。亨吉祥。王驥揚善。陳汝言等收諸門鑰。夜四鼓開。長安門納兵近千人。宿衛官軍驚愕。不知所爲。有出入者。兵輒叱止之。有貞命仍鎖門曰。萬一內外夾攻。事去矣。鎖訖。有貞取鑰投水。實并軌等莫爲知。時天色晦冥。軌等惶惑。有貞輒行。軌顧謂曰。事當濟否。貞大言。時至矣。勿



退薄南宮城門鐵鎖密扣不應。俄聞城中隱隱然有開門聲。有貞等命取巨木架懸之。數十人舉撞城門。又與勇士踰垣入。與外兵合毀垣。垣壞門啓。城中雖無燈火。軌等入見。太上皇燭下。獨出呼軌曰。爾等何爲俯伏合聲請。陛下登位。乃呼兵士舉臺來。兵士驚懼不能舉。有貞助挽以行。忽天色昭明星月輝光。上皇顧問有貞等。卿爲誰。各對某官某。有貞等前導。密邇屬車。既升奉天殿。諸臣猶有在臺前者。武士以椎擊有貞。上叱止之。時黼座尚在殿隅。諸臣往推之。至中升坐。鐘鼓齊鳴。羣臣百官入賀。景泰皇帝聞鍾鼓聲。問左右云。

于謙耶左右對曰太上皇帝景泰皇帝曰哥哥做好上既復辟卽日命率臣入賀改景泰八年爲天順元年有貞陞爲左副都御史兼翰林院學士明日陞兵部尚書命掌內閣事三月封武功伯仍命兼華蓋殿大學士掌文淵閣事○是日有旨逮少保于謙王文及都督范廣太監王誠舒良張永王勤等下詔獄石亨徐有貞等言其謀迎立外藩故也○出前禮部郎中章綸于獄擢爲禮部右侍郎○擢太常寺卿許彬爲禮部左侍郎大理寺卿薛瑄爲右侍郎並兼翰林學士入內閣與徐有貞同視事高穀乞致仕許之

下陳循等  
于獄者以  
其知謙等  
之謀也

遼內閣學士陳循蕭鎡商輅尚書俞士悅江淵侍郎項

文曜王偉古鏞丁澄沈敬等下獄

高汝栻曰天下無事則庸人得以勢位而屈英雄天下  
下有事則賢人得以議力而治不肖猶之毛遂之飲  
血韓信之登壇宋延清之李袍李景讓之舉柝宋太  
祖之黃袍加體雖公卿滿前拱手相讓不復序爵矣  
土木之難于忠肅帝以少司馬並無公卿在其右者  
而舉國聽其戎筭無敢諱噫其識力誠過人者矣  
健知功成固定忌功媒藥者反得以口舌而力沮之  
甚可悲也噫毛遂延清輩當其幸韓信少保等當其  
不幸幸不幸之間固有數焉

馬天寶爲之又何怨焉

○論迎立功進封武清侯石亨爲忠國公都督張軏爲

太平侯張輓爲文安侯都御史楊善爲興濟伯軏親並  
英國公弟軏改名賜○論隨駕功擢鎮撫哈銘試百戶

即殺于謙  
亦有何名  
或者曰彼  
罪不重則  
此功不高  
耳

意欲二字  
定罪是其  
須有故事

袁彬並爲錦衣衛指揮僉事○二十二日斬于謙王火  
范廣及太監王誠等于市陳文江淵俞士悅項文耀免  
死發口外鐵嶺衛永遠充軍蕭鑑商輅王偉等原籍爲  
民初謙等下獄徐有貞猶豫張軏楊善曰不殺謙等今  
日何名獄遂決是時假奪門之功者峻言官劾于謙王  
文俱下獄所司勘得金牌符勅見存禁中則無顯蹟石  
亨等揚言雖無顯蹟其意則有及廷鞫徐有貞令所司  
痛加拷掠王文不勝憤反覆力辨謙俛首不辨但言亨  
等已意如此辨之何益法司承亨等風旨乃以意欲二  
字附會成獄上猶豫良久曰于謙曾有功衆未及對

有貞直前曰若不置諫等于死今日之事爲無名上  
意遂決諫與文等俱斬于市籍沒其家家屬皆發邊衛  
充軍

高汝栻曰秦檜之殺岳王世以爲守金人之盟綜其  
實不然檜岳者高宗之志也高宗志不在迎謁聖而  
檜知之耳英宗北狩郡臣疏請迎復至再三不報  
虜酋索人出迎至再四不報及送出都門竟無一介  
行李而于迎駕勢窮情極遂至自入景帝之心可知  
也乃語諸臣曰當時大位是卿等要朕爲之及遣使  
入虜又命曰若見也先等好生說話不要弱了國勢  
蓋欲激怒而絕之也當是時君臣大義骨肉至情豈  
足動其聽哉亦休之默然耳若論于謀諸人功豈不  
大然君父蒙塵普天怛痛而少保以社稷爲重權立  
新主無語及於奉迎豈非慮禍之深不取兩全耶少  
保嘗自嘆曰此一腔熱血竟流何地其言悲矣夫一  
心可以事百君死生利害惟其所遇蓋吾心而已何  
所不可漢唐當時羣臣奉迎之請景帝不飲使少保

一言未必不信。其後易儲使少保以死諍。憲廟  
未必出官。徘徊隱忍。兩顧不發。身死西市。飲恨無窮。  
不可哀耶。○雙溪雜記曰。正統己巳之變。于謙以社  
稷爲重。力排群議。選將練兵。坐摧強虜。光輔中興。厥  
功非細。當時天下之人。皆知其以身佩安危。功在社  
稷。而豈虞殺身亡家之禍。于後日哉。奈何于公效用  
之日。正小人側目之秋。故事機一變。于公于是乎難  
免矣。程篁墩謂于公之受誣。爲主于柄臣之心。和于  
言官之口。裁于法吏之手。斯固公論也夫。

以于戶盧旺彥敬爲錦衣衛指揮使。一日亭引二人侍  
于文華殿前。上問曰。二人何人也。亨對曰。臣之心腹  
人也。臣每有機密事。必與二人謀。他人不知也。如迎請  
陛下復位時。皆與之謀。其功實多。乃特擢二人爲指揮  
使。自是求請無虛日。冒報功陞職者。至四千餘人。○令

翰林官有帶東官官銜者俱改別職以景泰易儲故也  
○御史王翰伏誅翰吳人景泰中爲御史上疏勸易儲  
與禁錮南城事甚力英廟復辟又數言易儲與禁錮  
爲非是且力攻于肅愍及其黨不已英廟甚悅之時見  
賞賜謂行將大用翰一日上御文華殿便室皮駕歷  
朝章疏凡留中者俱在焉忽驟風飄一本死轉上前  
取閱之乃翰勸景皇易儲及禁錮事急宣翰至翰謂  
復蒙賞賜趨赴之及至上發示前疏曰此非爾筆乎  
翰頽出血求死上命引出付法司誅之

高汝拭曰翰仕英廟以領景皇則頽英廟以領英廟仕  
英廟則又頽英廟以領景皇則頽英廟以領英廟仕

直在銓部  
留意人才  
平請斷絕  
○決自奉  
簡約平身  
近入益親  
子人也  
手足之情  
何忍廢之  
想迫于從  
勢之慘烈  
者耳

傳謂可長保富貴而烏知回風驟雨奸謀畢著立遭  
誅戮豈非景奉在天之靈有所不甘而故顯此奇  
異耶夫人臣所貴不欺心耳奸邪如翰縱無回風焚  
疏之事終身富貴至死彼其心寧無慨然于暗室屋  
漏中也  
可戒已

吏部尚書王直禮部尚書胡濙並乞致仕許之廢直子  
儋為翰林檢討濙子長寧為錦衣衛世襲鎮撫

二月朔皇太后誥諭廢景皇帝仍為郕王歸西內越  
數日命郕王所立皇太后吳氏復為宣廟賢妃廢

皇后汪氏復為郕王妃欽天監奏革除景泰年號上

曰朕心有所不忍仍舊書之是月十九日郕王薨葬祭

禮如親王謚曰戾妃嬪唐氏等俱賜紅帛自盡以殉葬

皇明法傳錄卷二十一 睿皇帝 二十



○追贈故御史鍾同大理寺丞官其子啟爲知縣上  
謂鍾同忠誠節義可貫金石及啟上疏請歸遺骸上  
許之出園土歸塋時沒已久血漬臂間洗出倍鮮好後  
謚恭愍○出草綸于獄爲禮部右侍郎綸在獄上嘆  
曰好箇臣子爲朕家事受苦壽出獄中脫桎梏遂拜是  
職○召前南京大理少卿謫陝西驛丞廖莊爲南京禮  
部侍郎○召左都御史蕭維禎掌南京都察院召巡撫  
陝西副都御史耿九疇爲右都御史掌院事召南京督  
儲副御史軒輅爲刑部尚書輅九疇二人皆廉介苦節  
之士操履素定天下信之故復位之初首召用焉○會

試天下貢士以內閣學士薛瑄通政使叅議兼侍講呂原  
爲考試官取夏積等三百人

學文淵有  
自所自者

三月廷試賜黎淳徐瓊陳秉中等進士及第出身有差

也國花內  
非人臣所

○授徐有貞奉天翎衛推誠宣力守正文臣特進光祿

可寧○非  
軍功何以

大夫封武功伯兼華蓋殿大學士掌文淵閣事詔舉廢

封爵  
三代卷老

民凡八十以上者賜冠服京師民茹又中百有四歲

之政極重  
礼而加敬

上召見悅其狀貌與致辭賜冠服帶履命順天府設宴

其有三代  
之遺乎

又命吏部尚書姚夔以下造其第致賀○命吏部右侍

郎李賢兼翰林學士入內閣典機務尋進吏部尚書兼

徐正在景  
恭問皆行

職仍舊○械前給事中譚戊鐵嶺衛徐正至京磔誅之

陳國故也

阮械至京出糞溺皆青人謂其驚破膽云遂鬪于市。○  
前吏部尚書致仕何文淵卒先是景泰易儲之詔既下  
文淵嘗告人曰吾草詔其中云天佑下民作之君父有  
天下傳之子此屬對極工切既歸又告其親識上復  
位意文淵及禍必在旦夕一日訛傳陳都御史將至文  
淵遂自縊死同鄉侍郎揭稽者謫官家居與文淵子主  
事喬新構怨奏文淵之死實諸子逼以脫禍喬亦奏稽  
巡撫廣東時嘗荐黃竑及代竑草易儲之疏俱命官校  
逮至京鞠之迹涉已往遂獲釋。○巡撫大同副都御史  
年富被石亨任參將石彪奏害自大同逮繫至京上

天下之爲  
此者豈少  
哉

王竑之遇  
石亨等應  
之也

問李賢曰此人何如賢對曰行事公道在彼能革宿弊  
上曰此必石彪被富阻其所行不得遂其私耳賢曰  
陛下明見真得其情遣官體勘果無實狀富遂致仕○  
謫漕運右副都御史王竑爲浙江右叅政尋除名爲民  
安置江夏○吏部尚書王翱以年老乞致仕李賢言于  
上曰王翱廉謹老成雖老精力未衰吏部非此人不可  
乃留之翱自此任用益篤眷遇加隆官其子竑爲錦衣  
衛副千戶○命景泰汪妃出居舊王府景帝汪妃甚  
賢帝欲立懷愍妃執不可語帝曰如立吾子其若監國  
之名何帝不從汪不悅及英廟復辟汪猶在宮憲宗時

爲太子汪待之厚。深感之。曰。當時事。我固詳之。嬪娘信聖哲。所以執禮恭而奉養備。汪與太皇太后尤相得。既而憲宗言。嬪娘就養于此甚好。但居處不宜。或不安。乃言于上。遷之外王府。至太皇太后歲節。亦時邀入。敘家人禮。汪旣出。郡主尚在宮中。憲廟命朝選駙馬。主堅不肯行。言當一生不嫁。上曰。妹不肯嫁。怎了終身。志念雖好。實無結果。乃强下嫁王氏。先是汪出未久。英廟一日入內帑。問太監劉桓曰。記當日有一玉瓏。今安在。桓言景帝取入。今當在汪所。上遣索。汪曰。無之。又問。對如初。俄有聞于上者。言汪出所攜甚多。

上命往檢取得銀二十萬以入。蓋汪山時宮中所有悉取自隨。故所蓄甚厚。亦以憲廟庇護。故能爾。至是索然。英廟崩。汪稍稍言。玉玲瓏實有之。當時索太急。吾謂景雖廢。亦嘗爲七年天子。一係腰物。何忍必欲迫取耶。且景之天下。尚遜而歸之。何有于片玉。其第二番索時。實怒而擊碎。沉之井中耳。汪至弘治中。猶存。景泰薨。上欲令汪殉葬。大學士李賢奏曰。汪妃立爲后。卽遭廢。棄幽閉。幸與兩女度日。若今隨去。情所不堪。況二女無依。尤可矜憫。上惻然曰。卿言是。朕以弟婦不宜在侍。初不計其母子之命。及山居王府。賢又曰。妃居舊

給之詞以  
 與石楊不  
 合故也  
 國初用人  
 專重釋舉  
 貢舉次之  
 科目為輕  
 今日不復  
 行釋舉矣  
 自谷府廢  
 後來朝禮  
 絕至是始  
 行之

府誠當但衣食用度不可缺。上曰朕則欲加豈可減  
 乎其母子保全不至失所文達大有造焉。○山東饑發  
 太倉銀四萬兩賑之。○調禮部右侍郎章綸于南京。○  
 四月己巳復立元子見深為皇太子。○詔處士中有學  
 貫天下才堪經濟隱居高蹈不求聞達者所司具實奉  
 聞。○襄王瞻墻來朝先是土木之變王兩上疏慰安  
 皇太后乞命皇太子居攝天位急發府庫募勇敢之  
 士務圖迎復仍乞訓諭邸王盡心輔政章上時景恭立  
 已八日矣至是得疏于宮中上覽之感歎手敕取王  
 入朝禮待甚隆上問王所過官吏賢否時按察使王

聚勛致詞  
俱妙

英廟通記  
王叔重撰

槩以抵誣下獄王避席對曰臣過汴汴父老遮道爲臣  
言王廉使寬乞奏上還我王廉使如是者不絕願幸  
裁察上立命雪槩比辭歸上送之門王伏地不起  
上曰叔父欲何言王頓首曰萬方望治如饑渴願  
皇上省刑罰薄稅斂爲萬姓自愛上拱手謝曰敬受  
教○追復王振官立祠祀之正統中張太后旣崩振  
益恣肆作大第于皇城東又明年作智化寺于宅右以  
祝釐及土木之難言官劾其擅權誤國或有謂今陷虜  
中反爲虜用者振族黨並坐誅夷第宅沒入官改爲京  
衛武學至是振黨以聞上大怒曰振爲虜所殺朕親  
皇明去尊錄卷二十一 廢皇帝



未悔為耶  
是以他日  
又有言言  
辭之變也

文相傾也

見之追責言者過實皆貶竄詔復振原官刻木為振形  
招覓以整塑像于智化寺北祠之勅賜祠額曰旌忠○  
徐有貞既以僥倖得君乃欲悉裁去僥倖且性褊而氣  
傲一時大璫曹吉祥及亨等多不悅之上方寵有貞  
莫乘也會上多與有貞屏人語乃密令小豎伏座側  
悉其語以告吉祥亨吉祥亨輒因間謂上曰上與有  
貞言某某上驚若安得知之吉祥亨曰臣安從知第  
有貞出示臣耳上由是疑有貞多漏泄然有貞亦私  
顧上于石亭吉祥不能無厭色乃稍為上微言其  
貪橫狀上亦為之動而御史楊瑄遂糾亨吉祥僥倖占

民田不法事。上復以問有貞。及李賢有貞等對與瑄  
合。乃獎瑄敢言。俾覆覈所侵田。于是御史張鵬等遂具  
草悉糾亨。少罪狀。將上之。而兵科都給事中王鉉密以  
告亨。亨馳訴于上。謂鵬乃已誅奸臣。內官張永猶子。  
故結黨御史爲永報讐。上遂御文華殿。悉收諸御史。  
面詰之。諸御史奏亨事俱有驗。上怒曰。事卽實。汝曹  
何不早言之。下錦衣獄。究主使。衛官奏右都御史耿九  
疇副都御史羅綺。諷使爲此。併執鞠之。妄陷有貞賢于  
獄。會是晚雷電大作。雨雹如注。大風拔木。吉祥之門。老  
樹皆折。亨宅水深數尺。京師震恐。翌日赦出有貞等。

降有貞李賢皆叅政九疇布政使綺亦叅政御史盛顯  
等調知縣瑄鵬俱請戍遼東鐵嶺衛蓋自曹石專恣有  
貞輩欲遏其勢每沮其謀曹石銜之故起此大獄使非  
感召天變如此之速縉紳之禍殆不止于此內閣學  
士薛瑄致仕瑄兄曹石恣橫日甚嘆曰君子九幾而作  
豈俟終日乎引疾懇乞致仕而歸大凡大臣居

關係匪輕當天順時內閣用徐有貞薛瑄許彬

二月陞李賢于徐薛上惟李賢儀度端凝得體薛雖學  
行老成因奏對誤稱學生遂以失寵求退徐則容貌瑣  
陋許則鄙劣放曠上始見徐有貞退諭左右曰徐有

貞可惜無福一日朝退上東閣雪滑許彬失脚傾仆倒  
流匍匐復上有貞俛首側頭噱然而笑至東閣衆官會  
揖後尤笑不已殊失觀瞻後岳正繼之進退盡言甚至  
語唾鼻息涕瀝御衣亦不自覺上諭侍臣曰醒齷胡  
子對我言指手畫脚故此數人旋被排斥而李賢則始  
終保全因憶正統中胡公浚一日早朝承旨跪起帶解  
落從容係之遂叩頭還班御史不能糾老成舉動自得  
大體則威儀固德之符也蓋可忽乎哉

六月命翰林修撰岳正入內閣典機務正剛正慷慨開  
口論事以世務自許上廉知其名王翱亦薦之召見

文華殿上問年幾何正對曰四十上曰正好問何

處人曰順天府涿縣上曰又是北方人問治何經曰

書經上曰是書經尤善問何科進士曰正統十三年

上益喜曰又是我所取者乃諭正曰今用汝入內閣

預機務凡事為朕主張許彬老矣不足恃也正頓首拜

至再乃出赴閣至左順門石亨張軌自外入遇之愕然

曰何以至此正不敢對時亨軌已不平比入見上曰

今內閣朕自訪見一好人亨軌請為誰上曰岳正亨

軌陽賀曰誠佳上曰但小官耳今須與吏部左侍郎

兼翰林學士亨軌因奏曰陛下欲陞正亦甚易但姑

愛立不出

于亨軌所

以挽阻之

耳不明言

第以愛酒

之辭也

呂鳳池江  
秀水人

大臣而甘  
為小人無  
賴之計知  
其必不出  
此矣

試之果稱職未浼也。上默然命通政司左恭議兼侍  
講呂原入內閣參預機務。

七月六日承天門災詔赦天下。○復下徐有貞獄發雲  
南金齒為民先是有貞既降廣東叅政石亨輩猶慮其  
復起也必欲殺之令人偽詐奏疏毀謗朝政假養病給  
事中李秉彝名以貌類者持上之命逮秉彝拷訊至死  
不承緝補匿名者甚急亨等因譖有貞怨望使所親罵  
士權為此而滅其蹟。上信之遂遣官校捕有貞于途  
收士權等俱下錦衣衛獄時掌衛都指揮門達陳諸惡  
刑于庭拷掠瀕死者數四士權終無所言乃摘武功伯

應道南謂  
有貞心術  
險詐急噴  
功名甘創  
前選繼謀  
盜門比罪  
奸回奸賊  
忠助金南  
之行亦天  
道耳

詰券續禹神功之語。出有貞自撰。實謀作逆。故出語不  
臣士權始大呼曰。有貞忠臣也。豈有自撰詰券。露其逆  
謀之理耶。門達不能折會。復風雨霹靂。破承天門。聲徹  
後宮。上大恐。勅放之。刑部侍郎劉廣衡等。猶劾奏有  
貞作撰制文。竊弄國柄。自謂治水希蹤神禹。敢以定策。  
冒貪天功。大不敬。無人臣禮。當斬。上以有禳犯在赦。  
前得釋。編發金齒爲民。有貞初遇異僧。受屠利支天法。  
奉十母。皆有奇驗。至是復指天象語人曰。曹石禍作矣。  
是慘于我。我且歸。而石亭盆死獄家籍。有貞以赦還里。  
又二年。吉祥之族滅。

有貞時。尚壯。負其材。謂上思我。必且召而。上竟弗召也。天下亦頗惜。負貞才。而惜于。議才甚于。有貞其寬有貞。天不如寬。于謀以故。里居者十餘年。無推轂之者。晚乃放浪山水間。頗以詞翰著。終竟得辭。不得志而死。士權。泰州人。博極羣書。善談論。有依歸詞氣。慷慨。寓京師。教授多與學士先生遊。與有貞尤厚。故。事。輩。擠之。使士權稍休于戚。則有貞不免矣。有貞出獄。感其義。以女許婚其子。既而有貞自金蘭歸。負盟于。權。亦無言。時論皆重士權之義。而薄有貞焉。

特緝訪匿名毀謗朝政者。未獲。石亨勸上出榜募能告捕者。賞以三品職。上令內閣撰榜格。呂原岳正見上口為政自有體式。盜賊責兵部。姦宄責法司。豈天子自出榜。購募之理。且竟建進善之旌。舜立辨謗之木。秦始皇護短拒諫。乃下誹謗妖言之令。由此過失不

蘇海虞是  
非商榷之  
義者不能  
而此言也



聞。卒至亡國。陛下新復寶祚。正當以堯舜爲法。以秦  
爲戒。縱欲窮治其事。緩則人情怠。急則事自覺。露急則人  
情危。懼急求。難勝不如勿究。時曹吉祥在。偏請究甚力。  
上徐謂曰。正等言是也。○刑部尚書軒親致仕。親以  
曹石恣橫。侵官稱疾。懇乞致仕。陛辭。上勞之曰。昔浙  
江廉使考滿歸家。僅二竹籠。是汝耶。親頓首。又問。年未  
老。再可用乎。親頓首以疾告。上知不可強。賜白金綵  
帛遣之。○逮岳正繫詔獄。謫戍肅州。時亨從于彪。與大  
同遣使獻捷。使者盛陳斬首無算。皆梟于林木之上。不  
能悉致。正取地圖指示之曰。某地至某地。四面皆沙漠。

帝命重詔  
罪已而又  
降國為仙  
非前後念  
之不待從  
中檢之者  
力耳

汝臬首置于何所其人不能對亨恨之正又間為上  
言曹石勢太盛慮有變宜早為節制上曰汝可以朕  
意告之正遂詣亨諷令稍自欽戢二人怨之益深會承  
天門災上命正草詔罪已歷陳弊政謂姦邪蒙蔽醉  
極切直亨雖大怒遂有飛語指謂謗訕內批降廣東欽  
州同知道邵以母老留閱月尚書陳汝言曹石黨也憾  
正嘗言其不可用至是嗾邏者以私事中之逮繫詔獄  
拷備至謫戍肅州鎮夷所至涿州在宿傳舍手拮急氣  
奔欲死涿人楊四者為正祈哀解人不肯因醉以醇酒  
伺其熟睡謂正曰梏有封印奈何正曰可燒整令熱以

酒噴封紙就炙之紙得燥自然昂起楊乃爲去釘脫楷  
刺其中復釘而封之其人既醒覺有異楊乃告曰業已  
然可如何今奉銀數十兩爲壽不如納之正因此乃得  
至戍所時傳有密諭岳正須生不須死又鎮巡而下  
素雅重正以故皆致客禮不能害也上亦時憶及輒  
曰岳正倒好只是大膽越五年曹石俱敗上謂李賢  
曰向者岳正固嘗言之賢因請曰正有老母使得放歸  
鄉里幸甚乃命釋爲民

調許彬南京禮部侍郎尋復出爲陝西叅政○復謫前  
御史張鵬楊瑄戍廣西南丹衛先是鵬瑄謫戍遼東鐵

其所以有  
禍斷何干  
奇正亦難  
之無亦非  
漢卿衣之  
衣耶

其所以  
相與手耶  
所以得  
全在此二

嶺衛未至、道遇赦還、或謂宜詣曹石謝、庶免後患、鵬瑄  
不從、復謫戍南丹○復李賢吏部尚書、兼翰林學士、入  
內閣辦事、初石亨怙寵專恣、官軍守諸關者悉放歸、以  
市恩、徐有貞、李賢、許彬、薛瑄在內閣以為言、上重違  
聖意、別選兵以戍之、由是惡有貞等、皆被譏斥、薦其私  
人參議盧彬、太常少卿王謙入閣、上不聽、與王翱謀  
仍復賢內閣

八月、黃定裴伯郭登爵謫居甘州、初上陷虜時也、先  
嘗權駕臨邊、徑過京師、于謙使登謂之曰、賴宗廟  
社稷之靈、中國有君矣、駕其毋復、上街之故、爾

高次斌曰。社稷為重。君為輕之言。為人君者。非為人臣。權衡于送往來。居之。可以是非。語次也。若乃登。耳。豈為私議。于君臣之間。可以是非。動止。哉。而一時。迂觀之士。卒以為口實。至使君父辱在。廟。坦然不問。社稷為重。君其可。充。平哉。

自三楊後  
觀權內閣

者惟岳正

與時

九月朔命太常少卿兼侍讀彭時復入內閣參預機務

景泰初召入內閣辦事既以憂去至是上御文華殿

召時入見諭以擢用之意命中官送至文淵閣治事○

勅左順門賜者今後非有宣召總兵等官不許擅進時

石亨張軌輩毋退朝頻入見或因小事私情或無事亦

輒入見出則張大其言使人畏其勢趨附之上厭甚召

李賢謂曰先生有文書整理每日當來若其餘總兵等

與古權於  
味有以

廣取敗  
者

國家有福

官無事亦頻來甚不冝蓋賢自再入閣立意退避必待  
宣召然後往。上覺其意故召諭之。上自此親信賢  
凡左右薦人必召賢問其可否以爲用舍。

十月 上登翔鳳樓見石亨新第極偉麗顧問恭順侯

吳瑾曰此何人居瑾謝不知既而曰此必王府。上笑

曰非也瑾曰非王府誰敢僭如此。上不應顧內臣裴

當曰汝聞若言乎亨橫甚睚眦中傷莫敢發其奸者。

擢監察御史林鸚爲鎮江府知府河東運判楊浩爲順

德府知府時 上勵精求治命吏部選內外臣僚爲郡

守陞拜日召至文華殿親賜戒諭燕勞及給鈔爲道里

此編實約  
之式也

惟不拘資  
格故才得  
自其位以  
自現

費

楊浙江太平人兩守大都擅政舉仕至刑部侍郎為  
一時名臣楊清即景泰中太學生上疏諫幸隆輟祠  
寺及請詠也先弑主之罪者也  
後累遷副都御史巡撫延綏

遣行人曹隆齎勅書禮幣聘江西處士吳與弼時石亭  
用事頗欲邀名飾過其門客謝昭者倣張翥教蔡京招  
楊龜山故事勸以薦士亨從之因在內閣議事見李賢  
說山林隱士有撫州吳與弼者乃司業吳溥之子累薦  
不起實淹貫經書動遵古禮亨慨然曰吾薦之乃託賢  
代草奏而上之數日 上召賢問曰吳與弼何如賢對  
曰與弼儒者之高蹈自古聖帝明王莫不好賢下士徵

聘隱逸若 陛下此行此一事實本朝盛舉 上從之○  
也先有平章哈剌者欲繼也先爲太師言于也先日主  
人衣新衣幸以故衣賜臣也先不許而以平章所失帖  
木兒爲太師哈剌怒欲叛也先也先荒于酒色又殊忍  
諸部不悅稍解散也先益怒聞哈剌且叛怒而欲攻之  
恐不勝乃召哈剌子飲酒鴆之哈剌子嘔吐覺走出不  
能行嚙指血染箭令其僕特告哈剌哈剌陽不知益加  
敬順也先以爲畏已也防稍懈哈剌于也先出臘時伏  
衆襲也先也先倡狂戰走從數十騎遁又恐數十騎遁  
哈剌半夜奔之與二親信走道中飢窘至一婦人所求



正清可折  
和謀

漿婦人飲之酪遂去夫歸婦言狀知其爲也先追殺之  
李來瘡王子爲雄○哈刺旣殺也先李來尋殺哈刺而  
立小王子爲可汗李來又殺小王子數來近邊求食傳  
言寶璽在其處石亨欲領兵巡邊乘機取之上召李  
賢問曰如何賢對曰景泰以來連年水旱災傷府庫空  
虛軍民疲困已極陛下初卽位正宜與之休息况胡  
虜雖近邊不曾侵犯今無故舉兵伐之恐不可若寶璽  
秦始皇所造李斯所篆亡國之物不足爲寶上然之  
乃罷巡邊

十一月兵部尚書陳汝言有罪下獄死籍其家先是于

謙被籍自朝廷所賜外無他物。至是所司陳所籍。汝言家財物于大內。廡下上召大臣入見。且曰。景泰間任于謙。久且專。沒無餘物。汝言未甚。何得賂之無算耶。時上怒甚。色變。石亨等皆俛首自是。上漸悟謙寃而惡亨等矣。初于謙等之死。皇太后不及知。後始知。乃爲上備言于謙匡濟多難之功。迎立外藩之誣。上始疑之事。定日久。察迎立事愈無狀。每詰石亨。張軫。曹吉祥等。迎立外藩之故。對曰。臣亦不知。乃徐有貞等向臣言耳。于是上深啗亨輩。待時而發。有貞所以有金齒之行。而亨輩卒俱不免。○太平侯張賜卒。

賜初名輒先是景泰初賜自貴州征苗召遷于謙劾其失機預罪不可用景泰帝之自是賜與亨輩恨謙最深既奪門復關首謀殺謙以謙信任范廉誣其同逆併殺之廣既死賜一日遇諸途爲拱揖狀左右問之日范廣過耶歸家發病死

戊寅天順二年正月 上郊天後顧謂李賢曰朕居南宮七年危疑之際實賴 太后保護罔極之恩欲報無由可做前代尊上徽號如何賢曰 陛下舉此可謂孝矣於是上聖烈慈壽 皇太后復加贈太后兄弟五人長孫繼宗廕會昌侯次皆都督子孫數十人皆爵祿之又爲其宗親求恩澤者 上謂賢曰外戚孫氏一門亦足矣 太后之心正不以此爲慰比者授其子弟官時

講于太后數次方允且不樂者累日曰有何功于國家  
濫受祿秩如此物盛必衰一且有子國憲吾不能救  
今若聞求恩澤必大怒矣賢曰此太后盛德因問祖  
宗以來外戚不預政繼宗爲侯太后知乎上曰  
太后正不樂此初爲內庭近侍惑以關防之說至今獨  
悔曰侯爲人淳謹不妨但後不可爲例耳上曰然○  
禮部請皇太子出閣讀書上召李賢等謂曰東宮讀  
書當在文華殿朕欲避此往居武英殿但早晚朝太  
后不便姑以左廊居皇子卿可擬講讀等官且曰先讀  
何書賢曰四書經史次第講讀宜先大學尚書上曰

增太監與  
安崇信佛  
教天下僧  
徒聚事京  
師

方幸儒術  
士青紫非  
由進士文  
名擅一時

所見正統  
以前尚不  
尚資格此  
後非進士  
不得翰林  
與翰林不

書經有難讀者賢曰如二典三謨太甲伊訓說命諸篇  
明白易曉可先講讀○嚴僧徒濫度之禁勅今後僧徒  
每十年一度景泰間京師崇信佛教每三年度僧數萬  
上謂李賢曰僧徒豈可如此泛濫賢曰陛下明見最  
是宜禁止之遂出榜曉諭○勅內閣及翰林儒臣修大  
明一統志先是永樂中令夏原吉楊榮等纂修天下郡  
縣志書未成景泰中重修寰宇通志僅成未及刻上  
復位李賢等再修刊布焉

翰林實縉紳所居非雜流可與景泰間各舉所私率  
皆委靡昏鈍浮薄之徒因上命修志惟擇進士出  
身者此輩自知不可居願補外職上命吏部除之翰林為之一清

得入內閣  
矣

萬代瞻仰

可憐

遣建庶人出居鳳陽庶人建文君之次子也先是上  
北狩嘗憫建文君之沒無所加禮屢召變故以語袁彬  
既復位因思建庶人輩幽禁大內將五六十年意欲寬  
之謂李賢曰親親之義實所不忍賢對曰陛下此一  
念天地鬼神實臨之太祖在天之靈實臨之堯舜存  
心不過如此左右或以爲不可上曰有天命者任自  
爲之遂遣居鳳陽令有司供給柴米器用聽其婚嫁出  
入自在庶人入禁時方二歲至是年五十六矣出見牛  
馬亦不識未幾庶人卒懿文太子及建文君皆無後  
四月復設各邊巡撫官初石亨等以文臣提督軍務守  
皇明法傳錄卷二十一 曆皇帝

邊使武臣不得逞因請罷之居無何邊徼騷然上召李賢謂曰如今革去各邊文臣巡撫十分狼狽軍官縱肆貪暴士卒罷疲且曰朕初復位奉迎之人紛紛以此爲不便只得依違今乃知其謬也卿爲朕舉進才能者用之賢因請曰遼東宜府大同延綏寧夏甘肅此六處要人最急上曰卿與王翱馬昂商議推選務在得人于是定議以太僕卿程信在遼東山東布政王宇在宣府僉都御史李秉在大同監察御史徐瑄在延綏山西布政陳璘在寧夏陝西布政芮釗在甘肅俱以京官兼撫其地○召守制山西右叅政葉盛至京權右僉都御

時參將范  
 信誨宋太  
 承平等糾  
 皆戰屠賊  
 所並所謂  
 破者八百  
 擒斬數萬  
 者其殆此  
 類與  
 後會昌為  
 弟乞恩上  
 終不從賢  
 日真可謂  
 不私

史巡撫兩廣盛乞終制不允時廣西流賊多入廣東為  
 害而兩鎮守將顏頤自異是以討賊無成功盛至請革  
 兩廣正將立總鎮于梧州居中調度則賊可平矣眾是  
 其策而不果行盛不得已乃請益兵上命都督顏彪  
 率兵赴之盛與彪協謀破賊新文杜後顏少殺降之若八百所擒斬數萬人而  
 還○會昌侯孫繼宗弟顯宗家人私起店房專利以病  
 客商事聞上謂李賢曰皇親豈可如此法之不行自  
 上犯之賢對曰若陛下以至公斷之誰不畏服乃命  
 毀其店房家人抵法顯宗免罪  
 五月江西處士吳與弼徵至京上謂李賢曰與弼當



矣依然

聘起皆穴

我太祖後

像見此耳

誠帝王盛

節

以伊傅聘

而以官察

授與賜所

以不受耳

使當聘吳

以伊傅聘

之果無然

皆之耶

授何職賢對曰今東官講學正宜老成備者輔導之宜

授官條次日召吏部命為左諭德朝士驚異與弼具疏

辭上召入文華殿從容顧問曰久聞高誼特聘爾來

如何不就職與弼對以老疾衰朽實不堪供上曰官

僚亦從容優閒不必辭于是賜以文綺羊酒柴米命太

監牛玉送至館上謂賢曰此老非迂調者務令就職

與弼終不就具疏三辭賢叩其所以不就之故與弼謂

勅書太重以伊傅之禮聘之却以此職授之故不受賢

謂如此亦固執矣且朝廷致敬盡禮待先生非輕初

無不承寵與之意今必欲如傳說爰立作相亦難既得

司馬溫公  
所謂不為  
小官而視  
卿相之位  
與死無異  
耳  
與弼他日  
跋石亭族  
諸自稱門  
下士何早  
屈于推門  
而傲脫朝  
廷若此

表病務盛名之下、其實難副、當大任、倘勢不能行、人皆  
失望、不若且就官僚、若果有建明、則大任以漸而至、不  
然、所辭不允、亦當就職、以答朝廷至意、與弼亦不從、三  
辭後、稱病留邸兩月、詣賢乞回、賢為言于上、上曰、果  
如此、亦難留、上復召入文華殿、賜功褒嘉、賚以銀幣、  
丁寧無忘著述、以繼前賢、命有司月給米二石、以資供  
膳、乃命行人王惟善送歸、于是與弼感激、無以報稱、條  
陳十事、上之、復上表謝恩而去、○漳州布衣陳真晟、詣  
闕上程朱正學纂要、真晟字剩夫、初治舉子業、赴省試、  
聞有司防察過嚴、無待士禮、乃辭歸、務為聖賢踐履之

學有功于主敬。嘗曰：大學誠意爲鐵門關。主一、二字，乃其玉鑰匙也。至是用伊川故事，詣關上書，不報，乃歸。聞吳聘君與，而名欲往見，贊之行。至江西，張元贖編修止布衣宿叩其所學，大加稱許，謂得程朱真傳。曰：謙洛之學自有真傳，如聘君者不可見，亦不必見也。遂歸尋卒。

表朝理學之士，薛文清瑄、陳克菴通爲最。胡敬齋仁雅一峯倫輩，楓山懋亞之登一峯，楓山偏于退隱爲高。陳白沙欲章只一味禪會，莊定山最只是一箇詩人。與黃未軒仲昭言行皆未見灼灼。定山晚年出處一節，雖白沙亦記之。陳利夫只是一箇庸介之士。其學識比胡敬齋猶未及。鄒吉上賀忠顯名臣，不必厠于道學。餘非未學所敢議矣。楊方震錄所遺前有曹月川端後有何叔丘喬新邵二泉實錄整卷欽願

皆當續入

時以建德  
為功者歟  
初創從者  
十之四五  
繼而從其  
二三又明  
年凡百自  
斷其勢  
不可以  
漸其勢  
王駕馭之  
法

時上留心政務。凡天下章奏。一一親決。有難決者。必召李賢商議。可否且厭曹吉祥。石亨等干預。察之無非私意。相權納賂。嘗于便殿。屏人告賢曰。為之奈何。賢對曰。惟在獨斷。可以革之。上曰。非不自斷。如某事。某事。皆不從其說。但依之則悅。不從便拂然。見于辭色。賢曰。于理果不可行者。宜從容諭之。大抵人君之權。不可下移。果能自觀彼之勢。自消。惟此最為良法。其私情既不能行。趨附之人亦漸少矣。上以為然。○上一日與李賢從容言及迎駕奪門之功。賢曰。迎駕則可。奪門二字。豈可示後。况景帝不諱。陛下宜復位。天命人心。無有

雖事役之  
論然見天  
下後世如  
于時勢之  
所必然而  
俾功者無  
所投其隙  
矣

不願文武羣臣。誰不願請。何必奪門。且內府之門。豈可  
奪奪之一字。尤非順幸。賴陛下洪福。得成其事。假使景  
帝左右。先知此事。事豈何足惜。不審致陛下于何地。  
上曰。然。彼時何以自解。方悟此輩。非為社稷計。不過貪  
圖富貴而已。賢曰。臣彼時。極知此舉之非。亦有進臣與  
謀者。臣不從。以臣之愚見。景泰果不起。率文武羣臣。請  
陛下復位。安用如此勢。雖欲陞賞。以誰為功。老臣者  
舊。依然在職。豈有微掠降出之事。致于天象。而羣臣之  
計。無所施矣。招權納賂。何由而得。忠良之士。亦無排擠  
之患。國家太平之象。豈不由此而盛。易曰。開國承家。小

俱有深意  
可味

人勿用言其必亂邦也。於此驗之爲尤信。上曰：然。由是益薄亨。亨生子未彌月。上見亨喜，令亨負兒見。上見兒，又喜，摩其頂曰：虎兒也。往善撫之，朕行與卿結姻。上意欲寵亨子，駢馬且探亨意。亨不喻，輒對不敢不敢。臣兒無福。上笑而領之。命左右取金鎖繫兒項。賜封鎖定侯。亨頓首謝。負山。上益疑亨。○上一日屏去左右，與李賢從容言政治得失。賢因言：「今天下百姓頗安，惟有一害。」上曰：「何害？」賢極言錦衣官校差出抄提罪人，勢如狼虎，所至貪求無厭，有司不勝其擾。上曰：「此害誠然，今後非大故重事不差。旣而左右貴近有

賢相

使三載  
古祥反卒  
倚此最股  
鑒昭然

皇明法傳錄 卷二十一 三十九

諸賢妄言者。上因疎賢復密察之。皆得其實。尤有甚于賢所言者。遂召其指揮戒之曰。今後差有似前者。必重罪不宥。旬日復召賢。待之如初。或謂賢招怨。賢曰。此弊九重之遠。何由得聞。賢既得親近。豈忍隱蔽而不言乎。若除此害。怨亦不辭。先是兵部尚書陳汝言阿順權宦。將前時送去。雲南兩廣湖貴等處。鞫官盡數取回。李賢言于上曰。鞫人非我族類。自古爲中國患。昔幸送之遠方。今復取來。甚是不便。上曰。吾亦悔之。

十月 上按獵南苑。苑在京城南二十里。方一百六十里。苑中有按鷹臺。臺傍有三海子。皆元之舊也。本朝稍

增治之闢四門。繕以周垣。俾鹿雉兔不可以數計。籍海  
戶千餘。守視自永樂定都以來。歲時蒐獵于此。每獵則  
海戶合圍。縱騎士馳射于中。所以訓武也。是日長圍既  
合。羽毛畢集。上親御弓矢。命勲戚武將應詔馳射。獲  
獻之既畢。賜酒饌。以所獲分賜從臣而歸。○膳坊司內  
臣奏乞出外採獵。上不許。復固請。上曰。爾輩欲出  
獵。但不許擾害州縣。朕遣人訪之。既出不獲一禽。有司  
懼其威。斂于民。聚鹿雉兔雉而獻之。內臣以爲獵所獲。  
遣人領進。上果令人密訪州縣。得其數。候至狀而黜  
之。○上一日與李賢言宦者。將見雖曾效勞。其實譴亂。



自李永毛  
呈請阿羅  
山半羅起  
相繼入寇  
而邊始無  
寧歲

小人朕初復位時即言于 太后曰 皇后無子亦當  
換朕斥之及立 東宮復曰其母如何朕曰當為 皇  
貴妃一日命選宮人充用既選乃曰 太后處不必知  
朕曰不可冕復言于 太后曰 上欲隱之及朕白  
太后方知其離間以此遠絕之賢曰讒說殄行自古帝  
王所深惡者 陛下絕之最是○虜酋孛來寇延綏守  
將都督僉事張欽副彰武伯楊信守延綏禦于柴溝斬  
獲甚衆既復入寇欽連戰于野馬澗等處俘其將獲馬  
駝兵仗倍于柴溝 上褒嘉之遂有是命

皇明通紀法傳錄卷之二十一終